



Таштас

● 14 (2278)

● 1991 ЙИЛ 16 ФЕВРАЛЬ

● ШАНБА

● БАҲОСИ 10 ТИЙИН

ЎЗБЕКИСТОН СОВЕТ СОЦИАЛИСТИК
РЕСПУБЛИКАСИ ПРЕЗИДЕНТИНИНГ
ФАРМОНИ

«ЁНҒИНДАГИ ЖАСОРАТИ УЧУН» МЕДАЛИ БИЛАН МУКОФОТЛАШ ТЎҒРИСИДА

Ёнғин пайтида одамларни қутқариш ва давлат мулкини асраб қолиш чоғидаги мардлиги, фидокорлиги ва моҳирлиги билан ҳаракати қилгани учун СССР Олий Кенгаши номидан қуйидагилар «Ёнғиндаги жасорати учун» медали билан мукофотлансин:

Отажонов Шавкат — Хива қурилиш-монтаж бошқармаси ишбошиси, Хоразм вилояти

Батчаев Аббек Русланович — сержант, ҳарбий қисм катта механик-ҳайдовчиси
Бухаров Сергей Алексович — лейтенант, ҳарбий қисм взвод командири

Верешчагин Андрей Викторович — кичик сержант, ҳарбий қисм бўлим командири

Запорожец Александр Витальевич — катта лейтенант, ҳарбий қисм рота командири

Иброҳимов Мақсуд Абдуҳамитович — ҳарбийлаштирилган ўт ўчириш қисми бошлигининг ўринбосари, Қашқадарё вилояти

Каримов Шухрат Ухтамович — кичик сержант, ҳарбий қисм бўлим командири

Тошкент шаҳри,

бий қисмнинг катта механик-ҳайдовчиси

Мед Сергей Витальевич — Қашқадарё вилоят ижроия комитети ички ишлар бошқармаси ёнғиндан сақлаш бўлими ўт ўчириш раҳбарининг катта ёрдамчиси

Родимов Александр Геннадьевич — капитан, ҳарбий қисм рота командири

Солиҳов Мўминжон Аброорович — Гулистон ёғ-экстракция заводи мой идишлари ҳўжалиги бошлиғи, Сирдарё вилояти

Сахаров Илья Юрьевич — оддий аскар, ҳарбий қисм ҳайдовчи-токари

Тошхўжаев Ваҳоб Аббосович — лейтенант, ҳарбий қисм взвод командири


Утепкалиев Насипқали Зиенагабиденович — оддий аскар, ҳарбий қисм катта механик-ҳайдовчиси

Ҳалимов Роберт Ягминфлюнович — ҳарбийлаштирилган мустақил ўт ўчириш қисмининг ҳайдовчиси, Қашқадарё вилояти

Шевцов Владимир Александрович — кичик сержант, ҳарбий қисм бўлим командири

Ўзбекистон Совет Социалистик Республикаси Президенти
И. КАРИМОВ.

1991 йил 8 февраль.



ДИҚҚАТ, ДИҚҚАТ!!!

26 ФЕВРАЛЬ

КУНИ:

БЕВОСИТА

МУЛОҚОТ

ЖУМҲУРИЯТ ички ишлар вазири ўринбосарлари билан ўзини ташвишлантираётган ёхуд қизиқтираётган масалалар ҳақида суҳбатлашиш истагини билдирган рўзмасеварларни бевосита мулоқотга таклиф қиламиз.

Шу йил 26 ФЕВРАЛЬ, СЕШАНБА КУНИ кундуз соат 11 дан 13 гача

участка инспекторлари ҳақидаги саволларга милиция генерал-майори Рафур Раҳимович Раҳимов жавоб беради (телефон № 33-16-29),

АМАЛИЕТ ВА НАЗАРИЕТ

ҲОЙДАЛИ АЛОҚАЛАР

Яқинда ЎзССР ИИВ ва ССЖИ ИИВнинг Тошкент олий милиция мактаби (ТОММ) раҳбарлари биргаликда оператив йиғилиш ўтказиб, келгусидаги ҳамкорлик масалаларини муҳокама этишди.

ТОММ профессор-ўқитувчилари ва илмий ходимлари киноатчиликнинг оддини олиш жумҳурият дастурини тийёрлашда, ЎзССР «Милиция ходимларини ҳуқуқий ва ижтимоий жиҳатдан муҳофаза қилишни кучайтириш тўғрисида»ги қонунининг

кадрлар масаласи бўйича фикр-мулоҳазаларни полковник Ҳикматилла Маматович Маматовга билдириш мумкин (телефон № 33-60-43).

ходимларни тарбиялаш, ижтимоий ва ҳуқуқий муҳофаза қилиш тўғрисидаги саволларга полковник Қурбон Боймуродович Боймуродовдан жавоб олиш мумкин (телефон № 33-78-24),

жамоат тартибини сақлаш юзасидан туғилган саволларга ички хизмат полковниги Эркин Норсодиқович Норғитов жавоб беради (телефон № 33-65-51).

Тошкент коди 8-371-2.

Телефонда алоқа боғлаш имконияти бўлмаган рўзмасеварлар саволларини 26 февралгача ёзма равишда манзилгоҳимизга жўнатишлари мумкин.

В. ЗАХАРОВ.

ЎЗБЕКИСТОН ССЖ ОЛИЙ КЕНГАШИНИНГ НАВБАТДАН ТАШҚАРИ ТЎРТИНЧИ СЕССИЯСИДА

Утган куни Тошкентда жумҳурият Олий Кенгашининг навбатдан ташқари тўртинчи сессияси иш бошланди. Сессияни Ўзбекистон ССЖ Олий Кенгаши раиси М. И. Иброҳимов очди. Мандат комиссиясининг раиси Ш. М. Мирзиёев маърузаси тингланди. Сессия депутат Ғ. Заҳриддиновнинг таклифига биноан 9 кишидан иборат котибият таркибини тасдиқ этди. Шундан сўнг Ўзбекистон ССЖ Олий Кенгаши сессиясининг кун тартиби тасдиқланди. Жумладан унда «Нарх-навони тартибга солиш қоидалари ҳамда Ўзбекистон ССЖнинг 1991 йилги давлат бюджети тўғрисида»ги, Ўзбекистон ССЖнинг давлат раамлари тўғрисидаги, «Транспорт воситаларини олиб қочганлиги учун жавобгарликни кучайтириш тўғрисида»ги Ўзбекистон ССЖ қонуни лойиҳаси ҳақида, «Ўзбекистон ССЖ Президентининг, Ўзбекистон ССЖ Олий Кенгаши раисининг, Ўзбекистон ССЖ вице-президентининг шон-шарафи ва кадр-қимматини муҳофаза қилиш тўғрисида»ги Ўзбекистон ССЖ қонуни лойиҳаси ҳақидаги, Ўзбекистон ССЖ Президенти ҳузуридаги Вазирлар Маҳкамаси қошидаги вояга етмаганлар ишлари комиссиясининг таркиби ҳақидаги масалалар бор.

Сессияда Ўзбекистон ССЖ Президенти И. А. Каримов нутқ сўзлади.

Депутатлар «Нарх-навони тартибга солиш қоидалари ҳамда Ўзбекистон ССЖнинг 1991 йилги давлат бюджети тўғрисида» Ўзбекистон ССЖ вице-президенти Ш. Р. Мирсаидовнинг маърузасини тингладди.

Кун тартибидagi учинчи ва тўртинчи масала — «Корхоналар, бирлашмалар ва ташкилотлардан олинadиган солиқлар тўғрисида» ҳамда «Ўзбекистон ССЖ фуқароларидан, ажнабий фуқаролардан ва фуқаролиги бўлмаган шахслардан олинadиган даромад солиғи тўғрисида»ги Ўзбекистон ССЖ қонунлари лойиҳалари ҳақида Ўзбекистон ССЖ Президенти ҳузуридаги Вазирлар Маҳкамаси раисининг биринчи ўринбосари В. С. Ҳамидов маъруза қилди.

Бу масалалар юзасидан музокаралар бўлиб ўтди.

Ўзбекистон ССЖ халқ депутатлари БМТ Бош котиби жаноб Перес де Куэльярга, ССЖИ Президенти ўртоқ М. С. Горбачевга, АҚШ Президенти жаноб Жорж Бушга, Ироқ Президенти жаноб Садам Ҳусайнга, жаҳондаги барча халқларга мурожаатнома ҳабул қилдилар.

Сессия ўзининг давом эттиришда.

ЗАВОДДА ЯНА ЁНҒИН



Дам олиш куни Калинин туманидаги Хонобод қишлоғи аҳолиси учун дилхуфтонлик билан бошланди. Соат 10 ларда шу ҳудудда жойлашган асфальт-бетон заводига яна ўт тушди. Аланга аралаш тутун ҳаттоки Тошкент шаҳрининг марказидан кўриниб турарди.

Ёнғинни заводдаги ўт ўчириш воситалари ва шу атрофда яшовчи фуқароларнинг кучи билан ўчириб бўлмади. Фалокат кўлаки тобора кучая бориб, жиддий хавф юзага келди.

Воқеадан хабар топган Тошкент шаҳри ва вилояти ИИБларининг ўт ўчирувчилари зуд-



лик билан етиб келдилар. Ички ишлар майорлари Шермухаммад Исамуҳамедов ҳамда Абдулҳамид Алиматовлар раҳбарлигидаги 30 кишидан иборат гуруҳ олти та махсус машина ёрдамида икки соат деганда тилсиз ёни бартараф этди.

Хонободликлар бу воқеани «навбатдаги ёнғин» дейишмоқда. Чиндан ҳам бу асфальт-бетон заводига сўнгги йиллар ичида тўртинчи мартаба содир бўлган катта фалокатдир. Ҳар сафар қанчадан-қанча давлат бойликлари куйиб кул бўлмоқда.

Завод маъмуриятининг ёнғиндан сақлаш қоидаларига риоя қилмагани аниқ кўриниб турибди, — дейди ички хизмат майори Абдулҳамид Алиматов, — Ҳаттоки, юқори даражадаги иссиқликда сақланадиган тез ёнувчи битум ҳавзасининг атрофлари ўралмаган. Ёнғин эса айнан мана шу жойдан бошланган.

Завод директори Михаил Яковлевич Гриньбергнинг айтишича, асфальт-бетон заводларида ёнғин чиқмаслигига ҳеч қандай қарам бўлмади эмас. Ундай бўлса бошқа ёнилғимойлаш маҳсулотлари сақланадиган корхоналар нима учун ёниб, кул бўлиб кетмайди?

Аслида раҳбар техникаларимиз носоз, заводни қайта жиҳозлаш ҳақида бош қотирма-япмиз, дейишдан чўчиди. Кошки эди, ўз айбини яшириш билан навбатдаги фалокатнинг олди олинса.

Исмомл МИНАВВАРОВ.

СУРАТЛАРДА:

1. Заводдаги ёнғин.
 2. Оловни ўчириш учун кураш.
- Суратлари муаллиф олган.

ЕРДАН БОШЛАНАДИ ПАРВОЗ



Фуқаро авиациясининг замонавий ҳаво лайнерлари ердаги кўплаб хизматлар ёрдамисиз на кўкка кўтарилади, на қўналгага туша олади. Йўловчиларнинг парвоз хавфсизлигини таъминлашда улардан бири — кўрик хизматининг ўрни алоҳида.

Қудратли моторларини ўт олдириган ва ердан узилишга талпинаётган самолётда бирон марта учган йўловчи қўналга биносидаги керакли тadbирдан, албатта, хабардор бўлади. Қўлдаги юк беҳато кўздан кечирилади. Бу ҳаммага ёқавермасда, беҳатар парвоз учун зарурий чора.

Бугунги кунда кўрик хизмати ходимлари елкасида турган масъулият бир неча

карра ортди. Ахир, ҳавода қароқчилик юз бериб, самолётларни чет элларга олиб қочиш ҳоллари йўқ эмас. Йўловчилар ва экипаж гаровга олиниб, қўйилган талаб бажарилишига қараб уларга нисбатан куч ва зўравонлик ишлатилгани кузатилди.

Шунинг учун шахсий буюмларга ортиқча синчковлик билан қараётган кишилардан сира ранжимаслик керак. Гарчанд ихтиёрларида сафархалта, тўрва, йўлқутиларнинг ичидаги буюмларни адашмасдан пайқайдиган усқуналар бўлсада, асосий оғирлик қўриқчиларга тушади. Самолётнинг белгиланган манзилга кутилмаган воқеа-

ларсиз етиб олиши кўп жihatдан уларга боғлиқ.

Тошкент қўналғасига келиб, иккинчи йўлакдаги навбатчи гуруҳлардан биринини иши билан танишдик. Бу ерда Тошкент бирлашган авиаотряди корхонаси вакиллари транспортдаги ИИБ ходимлари билан биргаликда текшириш ўтказишмоқда.

Навбатчи кўрик гуруҳи раҳбари милиция катта лейтенанти Анвар Медеубеков содир бўлган ҳодисаларни тилга олди. Янги йил арафасида байрамни қадимий Рига шаҳри обидаларини зиёрат қилиш билан ўтказмоқчи бўлган йўловчидан уч килограмм наша топилди. Шу йил январидан эса йўловчилар бирдан кўзёшни оқизадиган газ мосламаси чиқди. Тошкент бирлашган авиаотряди корхонаси ходимаси Марина Кондратьева йўлни Иркутскка қараб солиш ниятидаги йигитнинг гўштқий-малагичи ичидан иккита жанговар гранатани топиб олди.

Александр КОШКИН.





СУРАТЛАРДА: 1. Тошкент қўналғасининг иккинчи йўлагида шахсий буюмларни кўздан кечириш пайти.

2. Милиция старшинаси Собиржон Йўлдошев йўловчининг хужжатини диққат билан текширмоқда.

3. Навбатчи кўрик гуруҳи раҳбари милиция катта лейтенанти Анор Медеубеков.

4. Кўрик инспектори Марина Кондратьева.

Суратларни муаллиф олган.



ЖАЗО муддатини ўтаб ўз оиласи бағрига қайтган 18 яшар Бафтопулос Аностис эски касбининг хумори тутдими ёки орттирган тажрибасини синаб кўрмоқчи бўлдими, ҳарқалай Муқимий кўчасидаги «Тоҳир ва Зухра» тўжорат дўконини нишонга олди.

ЭГРИЛИК ШАЙДОЛАРИ

Ичкаридан метри 170 сўм турадиган 15 минг сўмлик чет эл матосини қўлтиқлаб чиқаётганида Фрунзе тумани ИИБ соқчилик бўлими ходимлари томонидан қўлга олинди.

ЎзССЖ ИИБ қошидаги соқчилик бошқармасига қарашли алоҳида милиция батальони ходимлари диққатини Намойишлар майдонида автомашина атрофида ўрала-шаётган йигит тортди. Яқин-

лашаётган милиционерларни кўриб қочишга уринган машина шайдосининг ҳаракатлари бекор кетди. Терговда аниқланишича, у ҳеч қаерда ишламай ўзгалар машинасига эга бўлмоқчи бўлган 19 яшар С. Абдуюсупов экан.

Р. ҲАСАНОВА.

«АНАШАХОН» ТОМОШАСИ

ИККОВИНИНГ ҳам кайфи тарақ. Аввал ўпишишди, кейин сўкишишди. Ниҳоят катта кўчанинг қоқ ўртасида «ур-ҳо, ур» бошланди. «Белорусь» дўкони олдида рўй берган текин томошани кўришга бир зумда тумонат одам тўпланди.

Хўш, бу тўполоннинг боиси нима? Сергей ва Владимир қўлидаги салкам чорак килограмм наша ҳаммасига айбдор.

Одатда бангилар чумчу; «пир» этса, юраги «шир» этадиганлар хилига мансуб. Лекин Сергей бошқача. Озгина тортса бас, нақ шерга айланади ўзича. Қуриб кеткур наша, деб не кўйларга тушмади. Агар икки карра саккиз ўн олти бўлса, демак умрининг нақ ярмининг ахлоқ тузатиш жойларида ўтказибди.

Жазо муддатини ўташ жараёнида уни шу афюндан даволашган эди. Бироқ, 1985 йилда озодликка чиқди-ю, наша ҳузурни яна хумор қилиб қолди. Хўш, чекса нима қипти? 11-мехколоннада туппа-тузук ишлаб юрибди, топиш-тутуши жойида, тергайдиган хотини, хархаша қиладиган ўғил-қизи йўқ. Умуман, уйланиш ҳақида ўйлаган ҳам эмас.

Шу кўчма колоннада у ўзига ўхшаган иродасиз, на-шавандлиги учун қамалиб чиққан Владимир Яковлев билан танишиб қолди. Қи-

зарган кўзлар, суви сирқиган сузма халтадай шалвираган башарани кўриб, Владимир даб-дурустдан сўради.

— Хонимдан борми?

— Қанақа хоним? — Сергей ўзини тушунмаганга олди, — мен аёлларни ёқтирмайман.

— «Анашхон» борми, деб

зарган кўзларда учқун ала-галана бошланди, шалвираган юзлар асл ҳолига қайтди, худди телбалар сингари ҳар иккови ҳам бўлар-бўлмасга ҳоҳлаб кула бошлашди. Қийқириб, рақсга тушишди, овозларини баралла қўйиб ашула айтишди. Қучоқлашиб ўпишишди. Сўнгра бир мисқоли алла-

га ютди, «Белорусь» дўкони олдига етганида эса барибир сабри чидамади.

— Сеники ошиқ экан, — деди Сергей шеригига ўқрайиб, — кел ўшани бирга чекамиз.

— Қўйсангчи, текинга бердингми менга? Ҳар граммга неча ойлик маошимнинг ҳаммасини қуртдай санаб олдинг. Бор энди, йўлингдан қолма.

Бу гап Сергейга шундай таъсир қилдики, бир уриб Владимирни аганатди. Гандираклар ўрнидан турган Володя ҳам бўш келмади. Хуллас, яқиндагина оғизбурун ўпишиб турган нашаванд улфатлар бир-бирларининг оғизбурунларини бир зумда қора қон қилишди. Агар дружиначилар етиб келишмаганида, серқатнов кўчадаги бу текин томоша анчагача давом этарди.

Ички ишлар бўлимида бангилар «бойлиги» мусодара қилинди. Яна Сергейнинг уйидан чайқовдаги нархга кўра салкам икки минг сўмлик таряк топилди.

Мана, улар тагин камерада ўтиришибди. Сергей-ку, сўққабош, орқасидан «дада» деб йиғлайдиган фарзанди йўқ. Лекин тезда бозор-ўчар қилиб қайтаман, деб уйдаги ҳамма пулни олиб чиқиб кетган Владимирни оила аъзолари неча йил куттишар экан?

Вуниси суддан кейин маълум бўлади.

Абдулла НУРИМОВ, Тўхтамурад ТОШЕВ.



сўраяпман.

— Э, шунақа демайсанми? — Сергей олазарак бўлиб атрофга қаради. — Қимматроқда.

— Келишамиз. «Аннушка»ни жуда соғинганман.

Бангилар нашани эркалаб, «Анашхон», «Онахон», «Анюта», «Аннушка», «Анашка» деб аташар экан.

Шу куни Сергей бетоблигини баҳона қилиб, ишни тарк этди, орадан ярим соат вақт ўтмай, Владимир ҳам унинг орқасидан Горький проспектидаги 62-уйга кириб борди. Бу ерда Сергей истиқомат қиларди.

Икки нашаванд майдаланиб, «Беломор» папиросига тиқилган «дорн»ни хуморлари тарқалгунча роса сўришди. Мана, ниҳоят, қи-

қанча пул турадиган нашани ўзаро «арра» қилишди.

Яна тутунни бурқситиб кўчага чиқибди. Чўнтагини қоқ-қуруқ қилиб бўлса-да, шунча катта «Улжа»ни қўлга киритганидан завқланиб бораётган Владимир «Светлана» магазини олдига келганда:

— Менга қара, Сергей, «Аннушка»ларимизнинг семизлигини торозида бир тортиб кўрмаймизми? — деб қолди.

— Нимага?


— Шунчаки, кўйилгил учун...

Дўкон ичидаги текширув торозиси шайнига тикилиб, Сергей кўзининг пахтаси чиқиб кетай деди. Унинг назарида улфатининг нашаси бир грамм ортиққа ўхшаб кўринди, аммо аламини ичи-

ЖИНОЯТЧИ ҚИДИРИЛМОҚДА

Тошкент вилоят Ангрен шаҳар ички ишлар бўлими томонидан ҳайдовчига босқинчилик хужуми қилган Магомед Ибадуллаевич Чупанов қидирилмоқда. У 1972 йилда туғилган бўлиб, Тошкент шаҳрида яшарди.

Бу жиноятчининг қаердалигини билган ёки у ҳақда бирон-бир маълумотга эга бўлган фуқаролардан энг яқин милиция бўлимига «02» рақамли телефон орқали хабар беришларини сўраймиз.



ЎзССЖ ИИБ ахлоқ тузатиш ишлари бўйича бошқармасининг раҳбарияти, фирқа ташкилоти ва шахсий таркиби шу бошқарма сиёсий бўлимининг собиқ бошлиғи истеъфодаги ички хизмат полковниги

КУЗЬМИН Иван Григорьевич вафот этганлиги, муносабати билан марҳумнинг оила аъзолари ва яқинларига чуқур таъзия изҳор этади.

Шанба учрашувлари

АЖАБ САВДОЛАР

«ҚОДИРПРОМ» ҚЎЛГА ТУШДИ

Милиция фаолияти хатарли саргузаштларга бой. Лекин гоҳида кулгили воқеалар ҳам бўлиб туради.

Сирдарё вилоятининг Илйич туманида истиқомат қилувчи М. Бек ана шундай воқеаларни эринмай қогозга туширибди. Қани, ўқиб кўрингчи...

Туманимиздаги Волков номли давлат хўжалигида болалар боғчаси қоровули бўлиб ишловчи Қодир исмли киши кечаси ароқ сотиш билан шуғулланаркан. Одамлар унга «Қодирпром», қоровулхонасига эса ароқни 15 сўмдан пуллагани учун «15-дўкон» деб ном қўйиб олишибди.

ОБХСС бошлиғи Юсуф ака Мусурмонов бошчилигида «Қодирпром»ни қўлга

туширишга отландин. Бориб, ўша ерлик бир йигитга олти шиша «Рус ароқи»ни 15 сўмдан пуллаётганда тутиб, протокол ҳам туздик. Аммо «Қодирпром»нинг қолган, яъни сотишга мўлжаллаб қўйган ароқлари қоровулхонада йўқ эди.

— Қодир ака, — сўрайди Мусурмонов, — ўжарлик қилмай айтинг, ароқни қанча эрга яширгансиз?

— Бошқа йўқ, жон ука, —

қалтираб жавоб берарди «Қодирпром»: — бори шу.

— Қўйсангизчи, — дейди Мусурмонов ишонч билан, — яна ўн тўрт шиша ароқни яшириб ўтирибсиз. Кечкурун бир яшик ароқни қолга солиб олиб келганингизни қузатганмиз. Пойлаб турдик, шу йигитдан бошқага сотмадингиз, ўн тўрт шиша ароқ қани?

— Менда бошқа ароқ йўқ. Нима, деб қасам ич, десаларингиз ичаман. Шу орада БХСС ходими Шукуров ташқарига шамоллагани чиқиб, гулзорнинг бир чеккаси белкурак билан ағдарил-

ганини кўриб қолибди. У хонага кириб сўради.

— Қодир ака, нега қишда ер ағдарибсиз? Бирор нарса экдингизми?

«Қодирпром»нинг ранги ўзгариб кетди.

— Гул... гул... ҳалиги, бекорчиликдан...

Мусурмонов дарров гап нимадалигини сездди, шекилли, ҳаммамизни ташқарига таклиф қилди. Гувоҳларни чақириб, ўзи ер ағдарилганга тушди. Белкурак кўп ўтмасдан «ғирч» этиб бир нарсага қадалди. «Қодирпром» ароқларни «квадрат уялатиб» гулзорга экиб қўйган экан.

У сирини очилиб қолгач, яна талмовсирай бошлади:

— Кечиринглар, жон укалар, энди минбаъд гул, йўғ-е, ароқ экмайман...



«ХАЛҚ ИШОНЧНИ ҚАЙТАРАЙЛИК»

ЎЗБЕКИСТОН илмий-оммабон ва хужжатли фильмлар киностудиясида шу номли хужжатли фильм устидаги ишлар якунланди. Фильм сценарийсини таниқли ёзувчи Исфандиёр ҳамда журналист А. Шоғуломовлар ёзишган. Фильмни ёш, истеъодли режиссёр-оператор Умид Ортиқов суратга олган.

Мамлакатимизда давом этган қайта қуриш жараёни жамиятимизнинг барча нуқсон ва камчиликларини, аввалги раҳбарият йўл қўйган хатоларни очиб ташламоқда.

Фильм муаллифлари жамиятимизда содир бўлаётган миллий, ижтимоий муаммолар орқали ҳуқуқ-тартибот идоралари, жумладан совет милицияси фаолияти, улар олдида турган вазифалар ҳақида фикр юритдилар.

Фильм асосан Тошкент ва Фарғона вилоятларида суратга олинган. Унда Фарғона ва Паркент воқеалари, ОБХСС ходимлари фаолияти, Фарғона ва Қўқон шаҳрида ташкил этилган махсус отряд, отлиқ взвод ҳақидаги лавҳалар ўз аксини топган.

Шу билан бирга совет милицияси олдида турган муаммо ва камчиликлар ҳақида Тошкент вилоят ички ишлар бошқармаси бошлиғи З. Алматов, Фарғона вилоят ички ишлар бошқармаси бошлиғи Р. Абдуллаевлар фикр юритдилар.

Ҳеч кимга сир эмас, турғунлик йиллари ҳуқуқ-тартибот идоралари, айниқса милиция халқ ишончидан деярли чиқиб қолди. Совет жамияти қайта қуриш ва покланиш даврига қадам қўйган экан, милиция ҳам бундан четда қолаётгани йўқ. Фильм муаллифлари шулар ҳақида ҳикоя қилишган.

Ҳожимурод ВАЛИЕВ,
Суратларда: фильмдан лавҳалар.

Бир неча йиллар бурун туман рўзноомаларида «давлат хўжалиги директори Эшматов эллик ёшга кирди», «райком бўлими мудири Тошматов олтинчи ёшга тўлди», «ДАН бошлиғи Олмишев ўттиз ёшга етди» каби тўйхат мақолалар бериш модага айланганди.

Туманимиз қишлоқ хўжалиги бўлими мудири Қодиров бундай тўйхатлар устаси бўлиб, 2—3 та фактдан ярим бет ёки биратўла бир бетлик тўйхат битиб ташларди. Бир кун кабинетимдаги телефон жиринглади. Дастасини кўтарсам, Қодиров. Йигирма метр жойдан менга телефон қилипти. Ижод билан «ўта машғул» бўлса керак, деб ўйладим-да, нима гаплигини сўрадим. У бу сафар участка вакили Начаев-

нинг қирқ беш ёшга тўлиши муносабати билан «достон» битаётган экан, аммо Начаевни танимасмиш.

Гап нимадалигини дарҳол тушундим-да, Начаевни бошлаб тасвирлаб бердим. Қодиров ҳаммасини ёзиб олиб, менга қатта ташаккур айтгач, телефон дастасини жойинга қўйди.

Орадан икки кун ўтгач, эрталаб ички ишлар бўлимига кирсам, навбатчилар хонасида йигитлар қотиб-қотиб кулишарди. Қўлларидан туман рўзномаси. Навбат билан Начаевнинг «портрети» тасвирланган жойларини ўқишади: «Унинг тароққа

НАЧАЕВГА АТАЛГАН ТҲЙХАТ

бўйсунмас қол-қора жингалар сочларини шамол пешонасида ўйнатарди». Гумбуллаб кулги кўтарилди. «Ихчам ва хипча гавдасини кўриб йигирма ёш берингиз келади». Яна қаҳ-қаҳа. «Унинг юзидаги янги чандиқларнинг сабабини сўраганимда, камтарлик билан «хавфли жиноятчидан эсалик», деб жавоб берди». Бу сафар хона шифти кўтарилиб кетишига оз қолди...

Начаевнинг аслида фақат бошининг орқа томонида бироз сочи бор бўлиб, уни ҳам соч, деб аташ қийин эди. Қоматини тасвирлаб ўтирмасдан оғирлиги юз килодан ортиқ тош босишини ай-

тиб қўя қолай. Юзини эса «оилавий ади-бади» пайтида хотини тимдалаб ташлаганди.


Кабинетга кирсам, Қодиров мени кутиб ўтирарди. Салом-алик йўқ, гинани бошлаб қолди:

— Бу қанақаси, дўстим, одамни дабдала қилдингиз-ку?

Мен унга: «Кечирасиз, телефонда менга Бойчаев бўлиб эшитилибди», — деб жавоб қилдим. Ҳақиқатдан ҳам мен берган таъриф участка вакили Бойчаевга мос келарди.

М. БЕК.

ТАБИАТ МҲЪЖИЗАСИ



СИЗ БУНИ НИМАГА ҲҲШАТАСИЗ?
Ҳабибулла ШОДИЕВ олган сурат.

МУСАҲҲИХ АДАШДИ...

Милиционер тунни бекор ўтказди.
У иноят қилди.
Уғри йўлдан юрган ҳеч қоқилмас.

Уринг, суд келяпти.
Ҳукм тўқилди.
Адоват тантана қилди.
Тўпловчи Эркин САТТОРОВ.

САВОЛ БЕРИНГ, ЖАВОБ БЕРАМИЗ

ИШЛАШИНГИЗ МУМКИН

Мўҳарририятимизга Тошкент ирригация ва қишлоқ хўжалигини механизациялаштириш мўҳандислари олийгоҳининг 5-курс толиби Усар Мусаев хат йўллаб, бир неча саволлар билан мурожаат қилган. Қуйида ўшбу саволларга Ўзбекистон жумҳурияти ИИВ кадрлар бошқармасининг катта инспектори, милиция майори Раҳмонали ТУРСУНАЛИЕВ жавоб беради.

САВОЛ: Ҳозир ёшим 26 да. Бирдан-бир истагим — ички ишлар бўлимида хизмат қилиш. Олийгоҳни тугатганимдан сўнг орзу қилган соҳам бўйича ишласам бўладими!

ЖАВОБ: Ички ишлар бўлимида ҳуқуқчилардан ташқари бошқа соҳа мутахассислари ҳам хизмат қилади. Демак, сиз ҳам мутахассислигингизга мос келадиган мансабда ишлашингиз мумкин.

САВОЛ: Тошкент олий ва ўрта махсус милиция мактабларининг кундузги ёки сиртки бўлимига бошқа олийгоҳни тугатганлар кириб ўқиши мумкинми!

ЖАВОБ: Ички ишлар соҳасида хизмат қилаётган ҳар бир ходим, маълум синов муддатини ўтагандан сўнг олий ва ўрта махсус милиция мактабларига кириб ўқишлари мумкин, офицерлар эса фақат сиртки бўлимларда ўқиш имкониятига эгадирлар.

САВОЛ: Милицияда ишлаш учун неча ёшгача бўлганлар қабул қилинади.

ЖАВОБ: Ички ишлар идораларида хизмат қилишга жисмоний жиҳатдан соғлом ва 30 ёшдан ошмаган фуқаролар қабул қилинади.

Шингил хандалар

СЕН ЭМАС, ТАБАССУМИНГ КЕРАК
АВТОМОБИЛЬ ҳайдашни ўрганаётган киши хотинини ёнига олиб деди:
— Қани, энди, сени бир шаҳар айлантириб келай.
— Вой, дадаси, ҳали ёнигизда юргани кўркаман.
— Биламан кўрқинингни. Менга сен эмас, йўл назоратчиларига чиройли табассуминг керак...

КўРМАБМАН СИЗНИ
ДАН ХОДИМИ КАТТА ТЕЗЛИКДА келаятган «Жигули»ни тўхтатди. Машинасини итотгүйлик билан четга олган ҳайдовчидан у сўради:
— Тезликин чеклаш белгисини кўрмадингизми?
— Э, ука, кўрмай ўлибманми, ҳамма бало шундаки, Сизни кўрмай қолибман.
Маъмуржон БОЛТАБОВЕВ,
Андижон шаҳри.



БИЗГА ЕЗАДИЛАР «ОРЗУ» ДАМ ОЛИШ УЙИДА

Хизмат тақозоси билан ақлий ва жисмоний жиҳатдан ҳаддан зиёд зўриқиш, унинг устига руҳий изтироблар милиционерлик касбининг ажралмас ҳамроҳлари ҳисобланади. Жумҳурият ички ишлар вазир-

ташкilotчиси Дэля Шкәранда-лар хордиқ чиқараётганлар вақтини сермазмун ва мароқли ўтказишга астойдил ҳаракат қилишмоқда. Шу мақсадда турли кечалар, учрашувлар, концертлар ташкил этилмоқда. Ёуни кеча дам олиш уйида ИИВ ҳузурдаги «Орзу» вокаль-чолгеу дастаси меҳмон бўлди. Санъаткорлар ижросидаги ёқимли куй-қўшиқлар тингловчиларга манзур тушди.

Ботир ХОЛМАТОВ,
милиция капитани.

Мўҳаррир
Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Компартияси Марказий Кўмуяси нашриётининг Меҳнат Қизил Байроқ орденли босмахонаси. 700083, Тошкент, Ленинград кўчаси, 32.

Телефонлар: Мўҳаррир — 32-38-86,
мўҳаррир ўринбосари — 39-77-23,
37-23, 46-56 (ички).

«ПОСТДА» —
(«НА ПОСТУ») —
Орган коллегии МВД
ЎзССР